

**Federacija Bosne i Hercegovine  
Federalno ministarstvo zdravstva  
Sektor za realiziranje projekata**

**Kvartalni izvještaj o napretku**

**PROJEKTA JAČANJA ZDRAVSTVENOG SEKTORA - DODATNO  
FINANSIRANJE (HSEP-AF)  
za period 01. Januar – 31. Mart 2015. godine**

**April 2015. god.**

## SADRŽAJ

Uvodne informacije.....	3
Projektna komponenta 1 – Restrukturiranje primarne zdravstvene zaštite .....	3
Cilj i uvodne informacije.....	3
Aktivnost 1.2 - 1.5 - Uspostava standarda sigurnosti u TPM .....	4
Aktivnost 1.4 - Adaptacija i opremanje ambulanti porodične medicine - V faza .....	4
1.4.5 -1.4.7 Adaptacija i opremanje ambulanti .....	4
Aktivnost 1.5 - Razvoj informacionog sistema za primarnu zdravstvenu zaštitu u F BiH ....	4
1.5.1 - Nabavka IT opreme za domove zdravlja.....	4
1.5.2 - Razvoj softwera za informacioni sistem .....	4
1.5.3 - Stručna podrška razvoju informacionog sistema .....	4
Naredne planirane aktivnosti:.....	5
Projektna komponenta 3 – Formulacija zdravstvene politike i podrška Projektu.....	5
Cilj i uvodne informacije.....	5
Aktivnost 3.1 – Politički dijalog i monitoring i evaluacija .....	5
3.1.1-3.1.2 - Dalji razvoj sistema monitoringa i evaluacije .....	5
Aktivnost 3.2 – Grantovi za inovacije.....	5
Aktivnost 3.3 - Follow UP istraživanje zdravstvenog stanja stanovništva .....	6
Aktivnost 3.4 - Podrška Projektu .....	6
Očekivani rizici .....	6
Prilog 1 .....	7

## **Uvodne informacije**

Projekat jačanja zdravstvenog sektora-dodatno finansiranje (u daljem tekstu Projekt) započeo je sa svojom implementacijom u skladu s potpisanim Sporazumom o finansiranju-kredit broj 4912-BA između Bosne i Hercegovine i Međunarodne razvojne asocijacije (IDA) zaključen 05.07.2011. godine, kao i u skladu s potpisanim Subsidijarnim sporazumom za Federaciju Bosne i Hercegovine između Bosne i Hercegovine i Federacije Bosne i Hercegovine zaključen 30.09.2011. godine.

Sredstva Razvojne banke Vijeća Evrope (CEB), koja su planirana za sufinansiranje projektnih aktivnosti na osnovu Okvirnog sporazuma o kreditu između BiH i CEB (LD 1747 (2011)) i Subsidijarnog ugovora između BiH i F BiH, su postala efektivna tek 13.03.2014. godine, a operativna 09.06.2014. godine. Radi kašnjenja efektivnosti sredstava CEB u odnosu na sredstva IDA, Okvirnim sporazumom je produženo trajanje Projekta do 30.06.2016. godine.

Nastavak Projekta se provodi u skladu sa revidiranim Projektnim dokumentom za dodatno finansiranje-PAD (28.02.2011.), kao i revidiranim Vodičem za implementaciju projekta-PIM (juni 2011.). Implementacija Projekta je nastavljena u okviru prvobitno definisanih projektnih komponenti.

U daljem tekstu slijedi opis provedenih projektnih aktivnosti u skladu sa Programom rada Projekta i Planom nabavke za 2014. godinu, po komponentama i podkomponentama Projekta.

## **Projektna komponenta 1 – Restrukturiranje primarne zdravstvene zaštite**

### ***Cilj i uvodne informacije***

Ova komponenta za cilj ima dalje jačanje primarne zdravstvene zaštite kroz intenzivniju implementaciju porodične medicine i reorganizaciju domova zdravlja, kako bi se osiguralo smanjenje nejednakosti u dostupnosti zdravstvene zaštite, omogućio kontinuitet zdravstvene zaštite sa drugim nivoima zdravstvenog sistema prema potrebama lokalne zajednice i kako bi se na ekonomičan način zdravstveni sistem nosio sa sve većim pitanjima kao što su masovne nezarazne bolesti.

Ova komponenta podržava nastavak jačanja vještina timova porodične medicine kroz dodatnu obuku iz porodične medicine, nastavak programa specijalizacije iz porodične medicine, kao i podršku u akademskom razvoju osoblja edukativnih centara porodične medicine. Uz obuku, neophodan je nastavak adaptacije i opremanja ambulanti porodične medicine. Takođe se u okviru ove komponente provode preventivno promotivni zadaci za timove porodične medicine, pilotiraju ugovori zasnovani na učinku sa odabranim timovima porodične medicine, te su započete aktivnosti na informatizaciji primarne zdravstvene zaštite.

U okviru ove komponente u izvještajnom periodu provedene su sljedeće projektne aktivnosti:

## ***Aktivnost 1.2 - 1.5 - Uspostava standarda sigurnosti u TPM***

Vežano za uspostavu sistema standarda sigurnosti u timovima porodične medicine, na osnovu projektnog plana i vremenske dinamike, te usvojenih pratećih podzakonskih akata, provoden je proces obuke svih raspoloživih timova porodične medicine u JU Dom zdravlja Kantona Sarajevo.

### ***Naredne aktivnosti:***

1. Sertifikacija timova porodične medicine u skladu s definisanom dinamikom i projektnim konceptom.

## ***Aktivnost 1.4 - Adaptacija i opremanje ambulanti porodične medicine - V faza***

### ***1.4.5 -1.4.7 Adaptacija i opremanje ambulanti***

Završeni su svi radovi na adaptaciji APM, te je isporučena medicinska oprema i namještaj. Projektni tim je izvršio obilazak svih kantona i dostavio ugovore o prenosu vlasništva nad nabavljenim robama i radovima.

Ova projektna aktivnost je završena.

## ***Aktivnost 1.5 - Razvoj informacionog sistema za primarnu zdravstvenu zaštitu u F BiH***

### ***1.5.1 - Nabavka IT opreme za domove zdravlja***

### ***1.5.2 - Razvoj softwera za informacioni sistem***

### ***1.5.3 - Stručna podrška razvoju informacionog sistema***

Završen je proces evaluacije pristiglih ponuda za nabavkom servera za zavode zdravstvenog osiguranja kao podrške razvoju informacionih tehnologija za PZZ u FBiH i potpisan je ugovor sa odabranim dobavljačem.

U izvještajnom periodu se provodila implementacija softwearskih rješenja za PZZ za Unsko-sanski, Zeničko-dobojski, Tuzlanski i Bosansko-podrinjski kanton u skladu s dinamikom i planiranim aktivnostima iz ugovora sa dobavljačima.

Iako je Svjetska banka dala saglasnost na evaluacioni izvještaj za odabir za nabavkom softwearske aplikacije za Srednjobosanski i Posavski kanton nije došlo do potpisivanja ugovora sa odabranim dobavljačima. Ovo iz razloga jer je rok za validnost ponuda istekao kao posljedica nedostatka sredstava.

Namjenjena sredstava za nabavku softwearskih aplikacija za Srednjobosanski i Posavski kanton planirana su iz povrata PDVa na temelju Okvirnog Sporazuma sa

Razvojnem Bankom Vijeća Evrope i Odlukom Vlade FBiH za povrat PDVa za završetak ovih projektnih aktivnosti.

Međutim Uprava za indirektno oporezivanje BiH je dala negativno rješenje na upućen zahtjev s obrazloženjem da u Sporazumu ne postoji eksplicitno naglašena mogućnost povrata PDVa. Stoga je Federalno ministarstvo zdravstva uputilo inicijativu prema Federalnom ministarstvu finansija za aneksiranjem Okvirnog Sporazuma o kreditu sa CEBom da se u isti eksplicitno doda član kojim bi se naglasila mogućnost povrata PDVa (člana koji je bio sastavni dio prethodnog Okvirnog Sporazuma sa CEBom-I faza Projekta).

Iz gore navedenih razloga vezanih za nedostatak sredstava, a zbog uskraćivanja povrata PDVa, nije realizirana ni planirana nabavka nedostajuće mrežne opreme gdje se već implementiraju softverske aplikacije u PZZ.

### ***Naredne planirane aktivnosti:***

1. Provođenje završnih aktivnosti na implementaciji softverskih aplikacija u PZZ u kantonima gdje su potpisani ugovori,
2. Isporuka servera za zavode zdravstvenog osiguranja,
3. Nastaviti aktivnosti po pitanju aneksiranja Okvirnog kreditnog Sporazuma sa CEBom i povrata PDVa,
4. Revidiranje plana nabavke u skladu s raspoloživim sredstvima koja su značajno umanjena zbog nemogućnosti povrata PDVa.

## **Projektna komponenta 3 – Formulacija zdravstvene politike i podrška Projektu**

### ***Cilj i uvodne informacije***

Cilj ove komponente je nastavak izgradnje kapaciteta i sistema monitoringa i evaluacije što bi trebalo omogućiti jačanje procesa donošenja politika u zdravstvenom sektoru. Unaprijeđen sistem monitoringa i evaluacije u zdravstvu omogućiće, između ostaloga, stvaranje dobrog osnova za planiranje preventivnih programa i strategija, posebno za implementaciju porodične medicine.

### ***Aktivnost 3.1 – Politički dijalog i monitoring i evaluacija***

#### **3.1.1-3.1.2 - Dalji razvoj sistema monitoringa i evaluacije**

Ova projektna podkomponenta je završena.

### ***Aktivnost 3.2 – Grantovi za inovacije***

U potpunosti je implementirano 17 projekata i izvršen je uvid u završne izvještaje projekata dostavljene od strane implementatora.

### ***Aktivnost 3.3 - Follow UP istraživanje zdravstvenog stanja stanovništva***

Ova projektna podkomponeta je završena.

### ***Aktivnost 3.4 - Podrška Projektu***

U izvještajnom periodu izvršena je revizija Projekta od strane Ureda za reviziju organa FBiH, kao i od strane neovisne revizorske kuće, a u skladu s kreditnim sporazumom.

### **Očekivani rizici**

Uzimajući u obzir preostala raspoloživa kreditna sredstva, a zbog nemogućnosti povrata PDVa, aktivnosti na podkomponenti-Informatizacija PZZ, će se vjerovatno morati reducirati. Ovo znači da postoji rizik da se implementacija elektronskog zdravstvenog kartona neće implementirati u svim kantonima u FBiH kako je prvobitno bilo Projektom predviđeno.

Projekt jačanja zdravstvenog sektora HSEP-AF									
Prilog 1									
<b>Finansijska realizacija HSEP AF po projektnim komponentama do 31.03.2015.g.</b>									
									EUR
	Komponente /izvori finansiranja	IDA kredit	CEB kredit	Vlada F BiH	Ukupno raspoloživa sredstva	Ugovoreno	% ugov./r aspol.	Plaćeno	%pl./ugov.
A.	Restruktuiranje PZZ	3.539.230	5.412.956	371.995	9.324.181	9.131.247	98%	7.938.697	87%
B.	Unapređenje kapaciteta sektora zdravstvenog menadžmenta	79.733	0	16.032	95.765	95.802	100%	95.765	100%
C.	Promocija zdravstvene politike i podrška Projektu	641.699	87.044	59.844	788.587	730.220	93%	707.378	97%
<b>UKUPNO</b>		<b>4.260.662</b>	<b>5.500.000</b>	<b>447.871</b>	<b>10.208.533</b>	<b>9.957.269</b>	<b>98%</b>	<b>8.741.840</b>	<b>88%</b>